

Transkript sa konferencije za medije međunarodnih organizacija

OHR, Oleg Milišić

OSCE, Aida Bešić

EUFOR, Nicholas Foster

OHR

Visoki predstavnik/specijalni predstavnik EU se susreo sa ministrom Kebom u vezi sa certifikacijom policajaca

Visoki predstavnik i specijalni predstavnik Evropske unije (HR/EUSR) Christian Schwarz-Schilling se jučer susreo u Sarajevu sa ministrom za ljudska prava i izbjeglice BiH Mirsadom Kebom kako bi razgovarali o trenutnom statusu pitanja pojedinih policijskih službenika kojima IPTF nije dao certifikate.

Visoki predstavnik i specijalni predstavnik EU je informirao ministra Kebu da će se naredne srijede obratiti Vijeću sigurnosti Ujedinjenih naroda. Visoki predstavnik i specijalni predstavnik EU je naglasio da namjerava insistirati na tome da Vijeće sigurnosti izrazi svoj stav oko rješavanja pitanja pojedinih policijskih službenika kojima je IPTF uskratio certifikate.

Visoki predstavnik i specijalni predstavnik EU je dao podršku naporima Ministarstva za ljudska prava i izbjeglice u pokušajima da od maja 2003. godine uključi UN u rješavanje ovog problema. U proteklih nekoliko mjeseci, Ministarstvo i Ured visokog predstavnika i specijalnog predstavnika EU su dostavili UN-u sve dodatne informacije u vezi sa pitanjem decertifikacije.

Tokom svog mandata IPTF je obavljao proces certifikacije cjelokupne policije u BiH. Ministarstvo i Ured visokog predstavnika i specijalnog predstavnika EU su naglasili da UN mora preuzeti vodeću ulogu u rješavanju preostalih pitanja.

OSCE

Misija OSCE-a u BiH predstavlja Priručnik za organiziranje i vođenje javne rasprave između parlamentarnih komisija i javnosti

Misija OSCE-a u BiH sa zadovoljstvom predstavlja Priručnik za organiziranje i vođenje javne rasprave, koji je OSCE napravio za Parlament, konkretnije za članove i osoblje komisija, kao i za učesnike iz sektora građanskog društva, kako bi pomogao vođenju javnih rasprava između komisija i građana Bosne i Hercegovine.

Napravljen kako bi ga koristili državni i entitetski parlamenti, od koristi možda i lokalnim vlastima, Priručnik uključuje detalje koji se odnose na kvalitetu javne rasprave, zakonodavni proces, ključne komponente rasprava, kao i organiziranje rasprave na način koji će maksimizirati koristi tog procesa kako za parlament, tako i za građane.

Publikacija sadrži upute Savjetodavnog odbora parlementa. Ona je detaljan vodič za organiziranje i provođenje javne rasprave, uključujući i preliminarni proces procjene prikladnosti tema za raspravu. Za građane, tačnije građanske organizacije, Priručnik daje prijedloge i sugestije za otvaranje procesa javnih rasprava i osiguranja transparentnog učešća javnosti u tom procesu.

Priručnik je objavljen na tri lokalna jezika te na engleskom, a razvijen je u okviru programa usmjerenog na podržavanje državnog Parlamenta kao i parlamentarnih komisija, koji finansira USAID. Misija OSCE-a u BiH ovaj priručnik iskoristit

će kao izvor za obučavanje vodećih osoba građanskog društva, u razvoju politika rada i učestvovanja na komisijskim javnim raspravama.

EUFOR

Nije bilo izjave.